







Con

Ce

**I**

Ep

Can

**I**

D. A

Can

An

sup



P



# D I E S

## B O N I N U N T I I

Teol. 5032



Christiano Orbi Serenissima

*nuper*

*è sacro suggestu*

*Coram Augustissimis SARMATIÆ Majestatibus*  
*Evangelica luce*

## D E C L A R A T A.

*Illustrissimis demum Honoribus*

*Celsissimi Illustrissimi ac Reverendissi-*  
*mi Domini*

# D. I O A N N I S

# L I P S K I,

Episcopi Cracoviensis, Principis Seve-  
riæ &c.

*Cum festivo applausu, & omine fortunato, nempe*  
*solis dierum occasus gaudiorum nescii,*

## D E D I C A T A.

*à Perillustri, ac Reverendo Domino*

D. ANTONIO GRZEGORZEWSKI,  
*Canonico Varsaviensi &c. nec non Judiciorum*  
*S. R. M. Assessore.*

Anno Increatæ lucis primum mundo exorientis,  
supra millesimū septingentesimū trigesimo sexto.  
Primâ Aprilis.

\*\*\*\*\*  
P VARSAVIÆ Typis S. R. M. Collegii Societatis JESU.

1691



In Sstemma ILLUSTRISSIMÆ GRA  
BITARUM Domûs.



I.

Fixa Tyarato quæ stant sub tegmine *Rastra*  
Obsequiis Patriæ, Jugiter illa vacant.  
Paschæ sacra dies, operosa quiescite *Rastra*,  
Astra jubent requiem, rostra loqvuntur idem.  
Fervet opus, nec festa dies vacat absq; labore,  
Cur ? quia dispensat, *Præsulis* Officium.

II.

Sol Princeps, Honor umbra, dies fortuna serena,  
Horæ sunt, priscae sæcula longa DOMUS;  
Quàm vetus illa rogas; ad solem vertito *Rastrû*.  
Ostendet clarè, dentibus, hora quota est.

Muretus.





Celsissime Illustrissime ac Reveren-  
dissime Domine.



*P*ertinebat ad perfectum fe-  
stivæ lucis meridiem, ut se  
Tuis quoque immisceret  
splendoribus Princeps Cel-  
sissime, Antistes Illustrissime. Non ex-  
cludunt a suo consortio Illustrissimi Pla-  
netæ, aliorum siderum pompam, imò non  
rarò ultro requirunt, quasi sideribus e-  
tiam magnatibus ea insit ambitio, ut  
vel adstiticiæ Serenitatis Majestate cu-  
mulatiores, mundo audeant apparere. Sa-  
tis suo lumine dives astrorum Serenissi-  
mus, nunquam tamen aut oritur absq̃  
Phosphoro, aut in comitatus Hespero de-  
clinat in occasum. Obscuriora quoq̃ Phæ-  
nomena, quæ ut cynthia aliena luce co-  
a ru-



ruscant, toto errant Cælo, donec in ejus  
 veniant societatem, à quo splendidum  
 esse mutuentur. Et declarata quidem fe-  
 stivitas, solis non lunæ dies est, adeoq;  
 ea radiat serenitate, ut non solum alie-  
 no non egeat lumine, verum suos quoq;  
 splendores quæ latè patet Orthodoxus  
 Orbis, dispenset liberaliter. Ut ut verò,  
 in nubibus est & sereno vultu, publicæ  
 arridet lætitiæ, habet nihilominus quod  
 suam obumbret claritatem. Tytanem  
 nubes, præsentem solis diem obscuritas  
 styli, & effusa sapiæ offuscat caligo, cui  
 nisi illo affulseris vultu quo rerum Sar-  
 maticarum serenam faciem Senator, pro-  
 pe est, ut sui oblita propositi Artifici-  
 alis hæc dies concedat in occasum. So-  
 les occidui vergunt in Oceanum, Dies  
 boni nuntii obliuiosam præceps ibit in  
 Lethen, nisi in nominalium gratiarum  
 JOANNES stare jubeas meridie.  
 Quid ultra desideret, quibus ardeat vo-  
 tis, ex umbra præli patet luculentè.  
 Pallet in prima pagine facie incompto  
 deformata stylo formosa hæc dierum  
 Pul-



*Pulcheria, adeoꝛ pro Cerussa, Principe  
 Byſſo, pro ſtibio Senatorij muricis petit  
 colorari Cinnabari. Sic verò compta, illi  
 inferi rubro, in quo non erubescenda  
 LIPSCIORUM facta, poſteritati, Hæ-  
 roo transcripta Sanguine, recenset an-  
 nus dierum memorabilium. Meretur  
 certe Hæroum faſtos Triumphalis Or-  
 bi Chriſtiano feſtivities, nullis tamen  
 dignius inſcribi poteſt, quàm LIPSCI-  
 ANÆ gloriæ monumētis, quibus cō-  
 munes triūphanti de mortalitate DEO  
 laureæ inarantur; partiri debuerat ſu-  
 præmus victor, præreptas morti palmas,  
 diviſiſſe Trophæa cū victorioſa Grabita-  
 rū Domo, in qua quotquot viri, totidē fa-  
 ctōrū Triūphatores audiuntur Immor-  
 tales. Perennāt in ſæculorū memoria, æ-  
 ternitate meritorū Coronata LIPSCI-  
 ORUM Nomina, Vivunt ſuæ ſuperſtites  
 famæ maximis majores Aborigines  
 Tui, neve deſinerent vivere in Te vi-  
 ta & anima Patriæ ſibi providerunt.  
 Vindicas a fatiſ dignos Immortalitate  
 viros, vitamꝛ, quam a Progenitoribus*



328  
accepisti, mutuò restituis; dum mori ve-  
tas heroica Eorum facta, prodigiosa in  
Te ipso animando Anastasi, adeoq; redi-  
vivi illi Heroum Phænices Trium-  
phalem quodammodo Resurrectionis  
obeunt diem, in Te suo Salvatore. In  
solens id certè videretur factum, ex um-  
bris in lucem, è tumulto revocare ad vi-  
tam, nisi jam post Stanislaum in Thau-  
maturga Insulatum Cracoviensium po-  
testate miraculi nomen amisisset. U-  
num tamen dexteritatis Tuæ Princeps  
Celsissime prodigiū præterire non licet,  
Currentis sæculi testimonio confirmatū,  
quod corpus Reipublicæ olim mortali fa-  
torū ictu à suo Capite, nēpe Serenissimo  
AUGUSTO SECUNDO Poloniarū  
Principe divisum, Pontificiæ manūs Tuæ  
Impositione denuo animasti, ubi Eidē festi-  
va Coronationis die, in Serenissimo AUGU-  
STO TERTIO, Rege nostro, caput Coro-  
natum addidisti Festum. Resurrectionis  
ad populum erat illa dies, quā salutem  
Populi, pacem nempe Publicam fer-  
reis pro tunc tumultatam Temporibus  
dexte-



dexteræ Tuæ potentiâ resuscitasti, ubi<sup>329</sup>  
rixis domesticis in Corona Regni Co-  
ronidem imposuisti. Ast iterum ejusmodi  
factum minime prodigii nomen habere  
censui, hæc namq; aut his majora pro sa-  
lute Patriæ facinora LIPSCIO-  
RUM virtuti congenita sunt, quotquot  
enim sub hac Tyara Antistites, tot felicio-  
res Promethei, quibus nihil communius,  
quam Apostolico Spiritui Animam, Pa-  
triæ inspirare vitam, Politicum Reipu-  
blicæ Corpus sanis vegetare Consiliis;  
& quidquid insignium virtutum  
antedanea Purpuratorum Patrum se-  
rie obliuio insepultum est cineri, id in  
se advivum animare. Non revoco ad Tri-  
umphales festivæ lucis ignes, trium-  
phantia de mortalitate Illustrissimorum  
Prædecessorum Tuorum sole clariora  
prodigia, taceo declamata vocali famæ  
Classico, post Ithaumaturgum Stanisla-  
um Tyarata illa Sanctimonie miracu-  
la: integerrimæ vitæ Lābertū, amænissi-  
mæ virtutis renidentem luce Gaudenti-  
um, Triumphatorem fatorum Vincenciū



prætereo felicem illum æternitatis Zodi-  
 acum, duodecim Signatos Joannis  
 Nomine insigniores Præsules, hoc est co-  
 gnatas Tibi PRINCEPS CELSISSI-  
 ME gratias, unus mihi ad præfatæ ve-  
 ritatis argumentum sufficiet Magnus ille  
 PONTIFEX, a sanctimonia vitæ pene  
 Sanctissimus, ardentissimus Orthodoxæ  
 Religionis Zelotes, Patriæ purpuratus  
 Pater, Celsissimæ Grabitarum Domûs  
 Tyaratus apex, ANDREAS LIPSKI  
 cum quo Tibi Antistes Illustrissime ut  
 proxima magni Nominis cognatio, ita  
 purpurati honoris consanguinitas, ita  
 Præsulearum dotum maxima intercedit  
 affinitas. Hæredem hic Te suarum vir-  
 tutum ac Insulatæ dignitatis posteritati  
 reliquit, ne in aliquo desideraretur. Li-  
 cet verò toto sæculo, Te ad immortalitatem  
 præcesserit, Tu tamen Eum, ma-  
 gnorum præcursor JOANNES, si non  
 antevertis, certè integra laudum adæ-  
 quas æternitate. Ita enim verò bene-  
 merendo de Religione & Patria totum

Tibi



*Tibi vendicas ævum, atq; ita perennitatem famæ mereris, ut etiam dignius Gallicano illo Nestore, JOANNES Temporum nuncuperis. \* Cum itaq; tempora, imò ipsam perennitatis gloriæ æternitatem Tuam facias, etiam orientem in publicam lucem boni nuntii diem, ad Te necesse est pertinere. Computaveris illam benevolo animo, inter momenta anni gratiæ, quem devotis Tuo Nomini indulges Clientibus Præsul Gratosissime; certe non in Breviario, hoc est brevi Diario, verum in sæculorum horologio, Horæ Canonice, perenne Tibi laudum personabunt Officium. Audies identidem illud de Te: Tarda fit illa dies, & nostro ferior ævo, quâ caput augustum, quem temperet orbe relicto, accedat Cælo. \* Nullum elabetur temporis instans, quo non instanter præcabimur à superis Antistitum optimo*

\* Buſieres  
in flosculis  
Historiarum.

Ovidius.



332

boni nuntii diem, *nunquam in fato-*  
*rum occasum declinandum, Prout &*  
*nunc precatur ac vovet.*

Tuo Nomini & Honori

Servus Addictissimus & humilimus

ANTONIUS GRZEGORZEWSKI,  
Canonicus Varsaviensis nec non Ju-  
diciorum S. R. M. Assessor.

*mpp.*





# CONCIO.

Pro Dominica Resurrectionis Domini Nostri JESU Christi

*Surrexit, Ite Nuntiate. Marci 16.*



Iste gradum, imò æternum pone ori  
silentium, immunde cum tuis victo-  
riis munde. Si quos tibi, eosq; for-  
tunatissimos numeravit sæculum  
dies, si ambitiosas victoriarum co-  
lumnas fabricavit antiquitas, si glo-  
riosos fortuna extruxit circulos, cyfram & unum  
denotant nihil. Taceat & illa Romanorum di-  
es, quâ Augustus Cæsar Marco Antonio & Cle-  
opatra, navali devictis prælio, Civili finem im-  
posuit bello. Sileat serena ac fausta Judæorum  
dies, quâ ex diuturna captivitate Babilonis, cum  
Nehemia, Jerosolimam iterum rediære. Transe-  
ant triumphales & ominosi dies, quibus Rudol-  
phus

*Svetoni9.*

*Esdra c. 3*

A

phus



Buceling. phus captâ Basileâ unanimi Electorum suffragio Imperator nuncupatus. Una dies una dierum Mater, ab omni humano genere salutatur, dum immensum hodie audit gaudium, *Surrexit, ite nuntiate Surrexit immortalis Triumphator Dominus Noster JESUS Christus. Resurgens jam non moritur, mors illi ultra non dominatur.* Verè desideratissima tot sæculorum dies, hæc justius Hæbreorum supremum boni Nuntii promeruit titulum, illa laureatas de victoriis reportabat literas, hæc non scripto, sed vivæ vocis oraculo, laureis lingvarum ab Ecclesia promulgata. Hæc est dies, quam fecit Dominus, exultemus & lætemur in ea, quâ justitia & pax osculatæ sunt, refferata Cœli Janua.

Voluit sed non valuit infernalis animarum hostis, decepto per lignum homini, æternum diræ captivitatis imponere jugum, jam captivum Genus humanum, tot annorum centena falsis deplorabat lachrymis. Jam magnis gemitibus novum desiderabat Moysem. Inclamabat Davidem, qui Tartareum funda Cœlesti, sterneret Gigantem, exoptabat suscitari Danielelem, qui infernalem, objecto bolo neci daret Draconem, quid Ultra? Generalissima determinat Comitiam, & uno quatuor Legatos eligit ore Abrahamum Patriarchæ, Isaiam Prophetæ, Reges Davidem, Sacerdotes Aaronem, non ingenioso exacuit calamus stylo, sed rubeo intinctum cruore talem denotat Instructionem. *Exaudiat Dominus orationes vestras & reconciletur vobis.* Post expedita tot Sanctorum suspiria, magna inter Justitiam, teste Machi: 5.  
Ber.

Berna  
clama  
stitia  
tit M  
peror  
num  
di sus  
eneco  
Suæ,  
ego m  
meæ  
na Pe  
nempo  
postat  
stinat  
factum  
omnia  
pro s  
tentia  
graph  
fui Ca  
in sœc  
manu  
q; de  
ptioni  
scio; d  
Dies o  
rena.  
ante T  
verena  
largiss  
Pro



Bernardo, & misericordiam facta concertatio, ex  
clamavit Justitia: *Justus es Domine, fiat ergo ju-*  
*stitia tua, & pereat mundus.* Mox antedivinam ste-  
tit Majestatem Misericordia, pro humano genere  
perorando. Mitissime Deus, reminiscere miserati-  
num tuarum, quia venit tempus miserendi ejus, au-  
di suspiria, percipe lamenta, attende lachrymas,  
enecce Unigenitus Dei Filius de Sede Majestatis  
Suæ, ad æternum clamat Genitorem, *Domine ecce* Ezech: 33.  
*ego mitte me, nolo mortem peccatoris, imò Deliciæ*  
*meæ esse cum filiis hominum,* assumam Corpus U-  
na Persona in Societate duplicis naturæ, Divinæ  
nempe & Humanæ subsistens per Unionem hy-  
postaticam, ac moriens pro homine, qui morti de-  
stinatus fuerat, Divinæ satisfaciam justitiæ. Satis-  
factum. Et ante tertiam Diem consummata sunt  
omnia. Surrexit ergo Christus hodie humano  
pro solamine, integram Inferorum suppressit po-  
tentiam, delevit debitorum nostrorum Chyro-  
graphum. Ipsemet Christus, ore clamat Supremi  
sui Cancellarii: *Fui mortuus, & ecce sum vivens* Apoc: 1.  
*in sæcula.* Hodie supra Universum genus hu-  
manum placata est ira Dei. O! inauditum diu-  
q; desideratissimum hodie, o! felicissima Redem-  
ptionis nostræ dies, quibus te laudibus efferam ne-  
scio; dicam tamen: Dies Resurrectionis Domini,  
Dies occasuum gaudiorum nescia, absq; nube, se-  
rena. In primo Sermonis limine sisto pedem,  
ante Tuum gentilitium Pedem *Illustissime & Re-* Illmus  
*verendissime Antistes* succiduo procumbens genu, Hofius  
largissimam implorando Benedictionem. Episcopus  
Posnan:

Procul à lumine, imò supremum tenebrarum



occupasset solium, qui solem matrem omnium denegaret dierum, diem sine astrorum Duce, sine anima hominem esse puta. Vestram tantum exploro mentem Nomenclatores, quam dierum originem esse dicitis? Durat in sua Durandus ratione, ubi dicit dies à Græco Dyo, latine duo, eò quòd duo contineat tempora, diem & noctem. Recede longè ab hac Redemptionis nostræ die, Durandi sistema divisit hodiernam Dei Lucem à tenebris Salvatoris Nostri Resurrectionis, hæc dies umbræ noctis nescia. Umbram scelerum & omnium afflictionum matrem, vocat noctem Sacra literarum pagina. Nostri dies còpendium omnium gaudiorum est absq; nube, serena, quam Christus in sua Resurrectione, tanquàm Sol illuminavit, glorià suæ Divinitatis, in qua lætantur cœli & terra. Candido vestium colore circumornatus, Angelorum Chorus, horas dierum omnes summæ associando Lætitiæ. *Vestis enim candida, vera est lætitia.* Cor totius mundi Sol, præ nimia palpitât lætitiâ, & radiantibus plus micat oculis. *Solem ipsum arbitror in hac die solito clariorem fuisse ait Maximus.* Stellæ cœli, celeriori sua loca permeant cursu, Stella Matutina, ceu aurora obscurata nimis, tempore Passionis, Beatissima Virgo MARIA, hodie aureis lætitiæ splendet radiis, obscuratū erat aurū id est aureus Gloriosæ Virginis Color, Cujus iterū revelatā claritatē, ecce quàm dulcissimo Sacra Literarū decantat psalmodia: *Secundū multitudinē dolorū meorū in Corde meo, consolationes tuæ lætificaverunt animam meam.* Suum petunt & sidera Cœlum, errabundæ, sine Duce

S. Hieronymus.

Duce  
die eg  
nis O  
exulta  
ribun  
rantib  
git. flo  
is vult  
gener  
rection  
Ult  
in Ific  
seu à l  
mome  
nam!  
læta f  
tates  
frigid  
Dioge  
patien  
aliqua  
daret  
dexte  
endi,  
minis  
vibus  
fi; ne  
nam  
nemo  
coler  
cultu  
Ce



Duce Stellæ, Sancti Apostoli, cum Sol justitiæ ho. 337.  
die egreditur super terram, de rubro suæ Passio-  
nis Oceano, *Gavisi sunt viso Domino*. Ipsa igitur  
exultat terra Canticumq; victoria canit, jam fu-  
ribundis imperat concordiam ventis jam murmu-  
rantibus imponit silentium aquis, vernaes colli-  
git flores, & lætam hodiernæ Diei frontem, nive-  
is vult coronare rosis. Omnia itaq; creaturarum  
genera, sua hodie representant gaudia. *In Resur-* D. Hilarius  
*rectione Christi omnia elementa gloriantur.*

Ulteriore dierum investigando originem, eam  
in Isidoro, iterum invenio nomenclaturam, Dies, à Diis,  
seu à Deo, O! utinam omnia nostrarum dierum  
momenta Supremo consecrarentur Numini, Uti-  
nam! omnes vitæ nostræ dies, à Deo essent; quam  
læta foret facies Ecclesiæ, cunctæ Urbes & Civi-  
tates ordinationes extitissent, exultaret ubiq;  
frigidum illud Verbum, meum & tuum, quisq; cū  
Diogene contentus, alieni nil appetens, Pauper in  
patientia toleraret inopiam suam, spe fretus suū  
aliquando fore Regnum Cœlorum. Dies abun-  
daret quidem auro, & liberali illud effunderet  
dextera in egentes, memor centupli olim recipi-  
endi, Subditi præ amore vitam ponerent pro Do-  
minis, Magistratus è contra cor divideret cum Ci-  
vibus, à Vitiis ut à monstris abhorrerent Univer-  
si; nemo superbiâ extolleretur, nemo furiis ple-  
nam & odiis mentem contra proximum animaret;  
nemo stimulis invidiæ ageretur. Verbo sola Virtus  
coleretur, Solus Deus meta & centrum foret, cui  
cultum, cui laudes tribuerent Universi.

Certum est, nec animi quisquam discordiâ la-

B

bora-



borare sufficit, omnes dierū cursus Supremo Divinæ Omnipotentiae subesse Dominio. *Tuus est dies & tua est nox, tu fabricatus es aurorā & solem,* dicit Rex David. Ipsemet Deus Integra dierū spatias ultima circumscripsit periodo, propria unicuiq; imposuit Nomina: *dies apud Deū Nominati.* Ita Nominati fuerunt apud Deū, quos Adā pœnitens, quos Abel, Set, Abrahā, Isaac, Jacob, & alii veteres Sancti exegerunt. Est demū cuilibet à Supremo Authore naturæ, descriptus dierū vitæ annorūq; terminus. Ast tamen hodierna Resurrectionis Domini dies, Deū ipsum sanctiore titulo concernere videtur. Omnes ab Orbe cōdito dies velut cæteros Jacobi Filios cōsidera. Unicus charissim⁹ Patri Fili⁹ Benjamin, qui interpretatur *charus & clarus*, Unica *charissima* æterno Patri & *clarissime*, Resurrectionis Unigeniti Filii Dies, *quā peculiariter Deus sibi consecravit*, subjūgit Belarminus. Hæc est dies futuri sæculi exēplar, inchoatio æternitatis, vitæ immortalis exordiū, dies salutis & gratiæ, totius gloriæ nostræ principiū.

Sinè lumine diē, imò umbrā afflictionū, totū vitæ suæ cursū declamat Jacob. Cap. 45. deperditū lachrimando Filiū, sed ecce infallibili acceptā notitiā *Fili⁹ tuus vivit*, in clariora sole, & plena cordis lætitiæ suipfius prorumpit verborū encomia: *Sufficit mihi si Filius me⁹ vivit.* Satis & hodie sublimē dies nostra obtinuit gloriæ gradū, satis exoptatissimū lætitiæ occupavit solū. Omnia tenebrarū genera, uno lætitiæ dissipavit radio, à lumine solis justitiæ illuminata. Hodie Crux Christi, quasi Virga Moyfis conversa in serpentē rediit in Virgā triumphalē; hæc Virga Aaron triduo sicca, floret iterum. Virga de radice Jesse



Jesse triduo jam recisa ab arbore, fructum hodie <sup>339.</sup>  
tulit. Vide ergo & toto clama ore, quàm læta ac  
serena Resurrectionis Domini Dies, nisi te cali-  
ginosa peccatorum impediât conscientia. *Sed sur-  
ge, qui dormis & illuminabit te Christus.* Sufficit i-  
gitur sufficit ad claram Diei demonstrationem, cla-  
rior à mortuis Christi Resurrectio. Sufficit mihi  
si JESUS meus vivit, hæc læta, hæc serena con-  
solationum Dies.

Sit ergo & tibi qui in folio pro sole micas *Se-  
renissime Rex, Domine Clementissime* in millenas  
annorū myriades, absq; tenebrarū eclipsi serena di-  
es. *Sit solium toto Orbe tuū cum sole triūphans.* Jā du <sup>Claudian:</sup>  
dū septicollis adoraverat Roma similē qui persva-  
deret, ut omne tempus, à prima Imperii die Octavii  
Augusti, augustū sæculū appellaretur. Nostra nūc  
sæcula, quis neget, sub *Serenissimo AUGUSTO*  
III. trina perfectione esse augustissima, quinimo ip-  
sum, *Augusto crescit sub Principe cælum.* Quia <sup>Claudian:</sup>  
spem superāsti, cupienda prævenisti *Serenissime*  
*Rex*, Cælum tibi, & humani generis hoc tribu-  
at Author, ut prælatus antiquis, vincas propria  
singulorum, in Menelao dignitatem, in Nestore  
ætatem, in ore omnium Gratianum; virtute Victor,  
*Augustus* Sanctitate, cum *Serenissima Regina Do-  
mina mea Clementissima*, ad cujus sanctiorem Au-  
striacarum virtutum universitatem proclamandā,  
quanquam sacer, tacitus tamen Orator adsum, ne  
*scrutator Augustissimæ Majestatis* opprimar à gloria,  
unum solum precari non desinā, ut quasi Lux pro-  
cedas & crescas, in perfectum omnium faustissi-  
morum diem, Sanctitatisq; ac virtutis Tuæ innatis



340 fulgoribus, Illustra Lechicum *meritis insignibus*  
*Orbem*; Umbras angustiarum Regni hujus dissipa.  
Resurgētis Salvatoris nostri benignitas, diu Patriæ,  
Nobis, Te fospitem præstet, servetq; incolumem.

O JESU; nostrū gaudium per Tuam gloriosissi-  
mam Resurrectionis Diem, fac ut nil videam, nisi  
Te summum bonum, Sydera erratica Mundi hu-  
jus deliciae, tanquam umbra prætereant; mihi verò  
in extremo mortalis vitæ decursu, redde diem si-  
ne nube serenam, non me jam protunc *sub um-*  
*bra mortis* latitantem, prætereat *dies boni nuntii*  
occasus gaudiorum cœlestium nescia, cujus perpetua  
Sanctæ lucis claritate, mentes Beatorum serenare  
*Domine Tu scis & vides* in sæcula sæculorum  
Amèn.

SOLI DEO HONOR ET GLORIA.



IMPRIMATUR.

GVILHELMUS ROBERTSON J. U. D. Gnes:  
Posn: Vars: Can: Præpositus Insul: Camen: Cust:  
Lovicien: per Diœcesim Posn: Curiae Epis: Genera-  
lis Auditor & Judex.



2.



is  
a.  
e,  
na.  
fi-  
fi  
u-  
rò  
fi-  
m-  
tii  
ua  
re  
m



es:  
st:  
ra.





